

MUTRIKUN

Xapok hogeitabost urte eman ditu haurren danborrada antolatzen

MUTRIKU

Gaur egingo den haurren danborradak, badauka berezitasunik. Haurren danbor hotsari, Juanjo Lekunberri, herrian Xapo goitzenaz ezagunagoa denari Udalak eskainiko dion omenaldia gaineratuko bait zaio. Izan ere, Xapo izan da hogeitabost urtetan haurren danborrada antolatu eta aurrera atera duena.

Danborrada honen sorreretatik beraz, aritu da Xapo umeei danborra eta makilak nola hartu eta musikaren konpasa jarraitzen irakasten. Hasera batetan, garai hartako Luistarren ingurutik sortu zen gauza, Luistarretatik baino zuzenago, elizaren inguruan, baina autonomiaz aritzen zen Jauja gazteen elkartetik. Baina urteak aurrera, danborrada bere izaera propioa hartzen joan da.

Umeenganako duen zaletasun eta maitasunagatik hartu zuen Xapok lan hau, eta horregatik dihardu oraindik ere horretan. «Haurrak oso gauza berezia dira niretzat, haurrak maite dituenak beste edozer ere maite du. Umeei dieran maitasunagatik nabil ni lan honetan», aitortzen digu Xapok. Honen batera, Udaleko inolako laguntzarik gabe umeentzako egun berezia antolatzen aritzen zirenekoak gogoratzen ditu Xapok. «Goizeko bederatzietan hasi, eta iluntzeko ordu berean danborrada izaten zen arte, umeak jaiaren protagonista izaten ziren», azpimarratzen du. Urte batetan, Udalak laguntzarik ematen ez zuelako, danborrada udaletxera begira jo ordez, honi bizkarra eman eta herriari begira jo omen zuten, eta ordutik aurrera ez dute arazo berezirik izan.

Hasera haietan gutxiago baziren ere, gaur egun 175 haur inguru dira

Mutrikuko danborradan ateratzen direnak, eta nahi duen guztiak har dezake parte. Umeen adina, Xapok argitu digunez, hasi zazpi-zortzi urtetik eta hamabi-hamairu bitartekoa da. «Iaz saiatu nintzen bostpasei urte ingurukoekin, baina oraindik goizegi zela konturatu nintzen, nahiko zailtasun izaten zituzten, eta hainbeste jenderen artean lotsatu xamar ere bazeuden», esaten digu. Lehenengo urteetarik danborrada honek jasan duen beste aldaketa bat zera izan da, lehenengo bi urteetan mutikoek soilik zutela ateratzeko aukera, baina ordutik aurrera neskatok ere zabaldu zitzaizkien.

Nesken sarrerarekin, jantziak ere aldatu ziren. Ordurarte, 'sukaldari' eta 'Napoleonez' jantzen ziren, baina

neskatok hasi zirenean, sukaldari jantzi kendu, eta brusa nahiz gona zuri eta txapel beltzarengatik ordezkatu zuten. Jotzen dituzten doinueta ere, izan da aldaketarik, lehenengo betiko doinuei, 'Mutrikuko Herria' gaineratu zitzaizkien, eta aurtengo 'polka' eta 'erretreta' ere joko dute.

Entsaioak, hila-bete lehenago edo hasten ditu Xapok. Arazo gehien, urtero sartzen diren haur berriekin sortzen omen zaizkio. «Ez beraiek, eta ez besteak ohartu gabe, berriek gaizki egiten dituztenak konpontzen saiatzen naiz, inoiz gaizki egiten dutela esan gabe, baina beste era batera egokiago egingo dutela adieraziz» azaltzen digu Xapok, haurrek ikasi beharrekoa erraz asimilatzen dutela gaineratuz. Zeregin honetan hogeitabost urte bete dituen arren, ez dauka Xapok lan hau uzteko asmorik.

Gaur egingo zaion omenaldia, duela hilabete gutxi herrian hil zen Argi deituriko haur bati eskaintzen diola azpimarratzeko eskatu digu



Hankapaloak ugaldut egin dira beste lekuetan, baina ez Mutriku. TXELU ANGOITIA

Aurtengo azkenean herriko hankapaloak

MUTRIKU

Ez da erraza inolako ere, Mutrikuko kale aldapsuetan eta harlau-sazko koska artean zanko edo hankapaloen gainean ibiltzea. Agian horregatik ez zen orain arte, Euskal Herri osoan hainbeste ugaritu diren zankodun talderik sortu, baina azkenean herriko gazte batzuk ausartu egin dira, hankapaloen gainean herriko maldetan gora eta behera ibiltzera. Oraingoz hiru zankodun berterik ez dituen talde honek, Txankamakilak dauka izena.

Talde honetan dabilen gazteetako batek, Jokinek esandakoaren arabera, ideia Arte Tailerreko kide bati sortu zitzaion, eta hau, ideia aurrera eramateko prest leudeken gazte batzuekin jarri zen harremanetan. Esan

eta egin, hankapaloen gainean ibiltzen ikasteaz gain, zankoak eta soinean eramango dituzten panpinak ere, euren egin bait dituzte.

Hasiera batean, marrazkiak egin zituzten, edo panpinen diseinuak. Hauek, taldekide den, baina zanko gainera igoko ez den Aritzek egin zituen. Ondoren etorri zen halere lanik gogorrena Jokinen esanetan, marraztutakoari gorputza eman behar bait zitzaion, horretarako gomaespuma erabiliz. Bost edo sei astetan beraz, jo ta su aritu dira gazte hauek, hankapaloek nahi zuten itxura ematea lortu duten arte. Lan hau egiteko, Arte Tailerrak duen egoitza erabili dute.

Baina azkenean jaso dute fruitua, eta Madalen jaietan estreinatze hori dituzte putre, krokodilo eta gorila

itxurako hiru panpin. Dudarik gabe, Mutrikuko haurrek aurtengo jaietan hartuko dute ustekabe bat baino gehiago hankapaloak inguratzen zaizkienean.

Zankoez ez dute baina ezertarako balio, gainean nor jarririk ez badute. Zankoen gainean ibiltzen ikastea izan zen beraz, gazte hauen hurrengo lana. Euren kasara ikasi omen dute gainera hankapaloen gainean oreka mantentzen. «Egun batean edo etorri zitzaigun zankoetan ibiltzen dakien bat erakustera, baina hortik aurrerako guztia geuk bakarrik egin dugu», esaten digu Jokinek. Ikasteko, lehenengo alderik lauenetako bat aukeratu zuten, herritarrek Samikoila izenez ezagutzen dutena, eta gero aldape-tara ohitzeko edo, herriko hondartzarako eskailerak hartu zituzten.

Umeen eguna

- 10.00etan kalejira egingo dute txistulariek.
- 11.00etan Motorop. Zer den? Ordubiak bitartean Goiko kiroldegain ikusiko duzue.
- 12.00etan Gure Ametsa taldeko gazteenek dantza egingo dute kaleetan.
- 13.00etan zezanak eta pottokak Txurruka plazan.
- 16.00etan berriro Motorop. Zer den badakizue ezta. Osterantzean ikasteko bigarren aukera.
- 16.30etan jokoak, pottokak eta zezanak, eta pottokak, zezanak, joko batzuk...
- 17.00etan zesta puntako afizionatuen III txapelketaren finalak Miruaitz frontoian.
- 18.30etan herriko bertsolari gazteak Txurruka plazan.
- 19.30etan haurren danborrada eta Xapori omenaldia.
- 23.00etan Inguma taldeak musika eta gainontzekoek dantza. Dantzaldia.

Virginia

GOZOTEGIA

ONDO GOZOTU ETA ONDO GOZATU
MADALENAK



arnope Inprimategia

Tfnoa.: 60 31 94
MUTRIKU (Gipuzkoa)

JAI ZORIONTSUA OPA DIZUEGU


BERISTAIN

DENDA

Estanko
eta Perfumeria

JAI
ZORIONTSUA
OPA DIZUE

ATXUKALE



ELEKTRIZITATEA,
ELEKTRATRESNA
TXIKIEN
KONPONKETAK, ETA
INSTALAKUNTZAK
ORO HAR

Atxukale, 15 Tel.: 60 36 02
MUTRIKU

"PANAI - BERRI"

OKINDEGIAK

Jai zoriontsuak
opa dizkizue

KARDALA

taberna

ONDO PASA
MADALENAK

KAIA taberna

Ondo pasa jaiak

JOSE URKIRI

Erdiko kalea — Tfnoa.: 603665
Merkatu plaza — Tfnoa.: 60 34 09

JAI ZORIONTSUAK OPA DIZKIZUE